



Nimit May 12, 2013 ni World Zomi Congress in Gullu Mual tawh ding vai tawh kisai, Myanmar leh China te'n, a nasepna uh khawl din' san dingin, Zomi leh Zogam tanga thutangko abawl uh, Zomi Innkuan Washington (ZIWA) in zong, sit neilo in ka nungthuap uh hi ci-in, hi mun pan kong pulak khia uh hi.

Atunga thutawh kisai in Gullu pen WZC thusuak ah a kitaklang mah bangin, Solbup Tualsuak Mite Tanvo Pulakna (Universal Declaration of the Rights of Indigenous People) tawh kituak in, Gullu Mual Nickel Saalpi pen Tualsuak Zomi te neihsa hi-in, Zomi te'n thuneihna bukim i neih masiah kuamah in to theilo ding cih thu, ZIWA in zong ka lenkip uh hi.

1947 kum Zogam-Kawlgam kikal a Panglong Thuciam kibawl ah zong, Zomi te'n gamdang tawh kizopna ah kihel-in, belpawl gam vaihawmna khempeuh ah, thukhensat khuasatnate ah kihel thei ding banah, Zomi leh Zogam tualsung vaihawmna leh thuneihna zong nei ding cih ahihi. Tua tawh kizui-in WZC siksian Panglong Thuciam leh Tualsuak Thuneihnate, Zomi leh Zogam in i tawi zawh masiah, Pasion hong piaksa Gullu Mual kuamah in to theilo ding cih thu, Zomi Innkuan Washington in zong ka lenkip uh hi.

Tua ahihmanin, Leitungbup a Zomi kipawlina khempeuh leh mipi te'n Gullu Mual humbit kemit ciat dingin, Zomi Innkuan Washington pan kong hanthawn sawn uh hi.

Zomi A It Khempeuh tawh nasem khawm,

Zomi Innkuan Washington  
(Zomi Community of Washington)  
Seattle, Washington